

巢經巢全集

第四
函八
冊

序

曷讀巢經巢經說補正爾雅釋親宗族篇明經文之譌奪正舊說之沿誤使族從諸稱秩然有當輒歎爲有功世教之作洎讀黎拙尊所爲先生墓表知尙有親屬記爲未刊之書繼乃得見於南皮張文襄所刊廣雅叢書中後又知有貴陽刊本而未見也去年秋歸來自粵衡山先生持以見示上下兩篇首尾具足廣雅本特析第一卷爲二卷非完帙也衡山先生年來續有掇拾又益足記注文若干條將重付剞氏屬一言考孔子弟子及後學者所記原有親屬記篇蓋河間獻書禮記百三十一篇之一中經二戴刪落不復可見釋親僅見爾雅至於釋名廣雅諸書所述猶是輪廓輒具經巢茲作允稱絕業矣嘗怪中土夙崇禮教正名尤所齟齬而諸親名義略無專書致末世俗稱殯辭無紀又怪清代諸儒號稱復古於學靡不究自禮樂術數下至衣冠輪輿旁及草木蟲魚鳥獸莫不類族辨物斐然有作獨於倫紀之所關內外親族之所係如日用飲食之

不可或闕者願有待於遐陬一老誠哉其難之也惟是經巢是書屬稿倉卒未
爲定本經衡山先生一再補輯幸成完書雖漢晉以降載籍極博甄采容未盡
而犖犖具備可謂擇精而語詳矣衡山先生者學方聞尤推轂鄉邦文獻卽此
一編其用力之劬如此良可歎服因識數言以諸讀者普定後學任可澄序

往在京師史館開例必三見名行著述於他書者乃得入吾黔鄭先生子尹以名孝廉處荒山中詔不起當世大人先生作書屢及之稱爲西南碩儒以是得列儒林又作傳必舉生平著述史館前輩以余黔人也必周知余舉儀禮私箋等書十數種以告尙未知有親屬記也家居與先生令子伯更遊出親屬記手稿見示稱名舉類大者眉列細者髮櫛第先生成此書不過數月句證字疏不無罅漏家弟桀與伯更共補綴之始爲完書考親屬記創見白虎通義朱子輯儀禮經傳臚爲家禮之六而以爾雅釋親補之鄭先生此書蓋續朱子未就之緒閱七百餘年而始爲成書作者與述者固有待也然其義例微有不同朱子意在補經僅及爾雅鄭先生意在考禮徵俗合古今名稱網羅而彂列之上自古經旁及子史稗說詩文別集橫行斜上無不貫串使讀者一見而知名稱所由來洵宏覽博物之藪也篇中細注不勝引據者第舉肇端一二事以見崖略不求備爾鄭先生號經學專家伯更能闡家學當世所稱大小鄭也伯更爲余

言先生尙有未成書十數種余促伯更續成之使海內翹企先生著述者快觀之也貴陽後學陳田序

此親屬記二卷爲吾黔鄭子尹先生所輯其命名之義採取之博考訂之精已見先生令子伯更茂才及余兄崧山序中惟先生此書爲未成稿本余雖間爲補綴迫以期日不及細檢原書掛漏割裂知所不免尙望博雅君子補訂遺失則豈徒余之幸亦先生之所望也貴陽後學陳矩識

後序

類考名物諸篇至今日稱大備自典禮冠裳宮室舟輿以訖食用之細凡可以會萃而條理之者近儒無不罔羅殆盡各纂成書獨於倫紀之所繫屬宗族姻婭之繁悉所爲辨親疏遠邇以定名分而關禮俗教治者國朝諸博碩則猶莫或綜覈焉溯孔子壁中書原有親屬記篇白虎通三綱六紀篇嘗稱其語蓋七十子後學所撰禮記百三十一篇之一爲文詳略未知何等自二戴刪落輒早散亡訖今所有述古而彙舉可稽如兩爾雅釋名廣雅所載釋親諸篇不過大端約具外此散見經籍猶縷縷非一至昔三代所無後世迺見稱號如舅妻曰衿之類亦足爲典要者復不易指屈卽本親外姻之名漢晉已降隨俗增加或一人稱謂夥至十數苟其不諱於理竝學者所宜周悉是皆不能無專載爲之兼攬者也且古典傳之卽久不無譌脫爾雅釋親所言較以儀禮喪服經傳卽如九族名稱凡同高祖之子孫夫婦男女自族曾祖父母已下四世例加族字

同曾祖之子孫夫婦男女自從祖祖父父母已下三世例加從祖字禮經條例故自朗晰迺釋親於此兩行輩羣人之稱往往傳寫歧誤殺惑學人以至近代瑤田程氏說喪禮於高曾子孫稱族稱從祖者時或移混而亂服制等差卽邵氏郝氏疏爾雅時且不能闡悟釋親駁文強爲之辭是尤不可不急正者也先君子生平箋釋禮經於喪服五等隆殺先定其所主名兼糾正釋親差互禮經之謬悉有成書而猶慮其非聚觀羣倫不易顯著且諸親名稱之全今古繁難邇無統紀雖在一時宿學試問以親貫中夫人所當稱號及間世異同或且茫無以應然則是編誠不可少之急務不能久聽其闕如者也奚就解經餘暇綴成斯記提古爲綱博極羣書鉤稽類列其次由親及疏秩序井然令閱者瞭如指掌更無疑誤又各卽當條之下分註出處亦間有案說簡括而明脫稿於咸豐庚申凡三閱月而功竣於是不嫌僭擬題以壁中經記舊名以授知同第爲時過速偶或標舉正文出典尙闕亦有其名疊見數書或一二處遺忘未及知同

後時捧讀謹略增加而未備也歷光緒丙戌遊幕省垣持示衡山陳子一見詫
爲絕作慨任梓行且樂爲補綴益足註文數十百所迺付厠氏於是斯集不可
謂非詳贍矣苟尙存罅漏或異時陳子踵爲繕完或世有同好相與續屬囊括
無遺則尤善之善者已外如末世俗稱姑曰姑母姑夫曰姑父從母之夫曰姨
父是類殊瀆亂不經非古聖王別嫌明微之至意故皆不登攬非失載也讀者
諒之鏤版將竟陳子謂不可無言敢述先君子指趣用公諸世男知同敬書

親屬記卷第一

遵義鄭珍輯

貴陽後學陳渠補

父曰翁曰公曰父曰父

補可切

曰翁

正奢切

曰父

居可切

曰爺

以遮切

曰尊老曰

莫賀曰郎罷歿曰考曰皇考曰顯考曰先公曰先君曰先子
曰亡考曰先君子在廟曰禰

翁

史記項羽紀沛公謂羽曰吾翁即若翁

廣雅翁父也

公

魏策陳軫將行其子陳應止其公之行曰魏欲絕楚齊必重迎公鄧中

不善公者欲公之去也必勸王多公之車

淮南說山訓注維家謂公

爲阿社

廣雅公父也

北史鄭道育常歲徐之才呼爲師公之才答

曰旣爲汝師又爲汝公在三之義頓居其兩

易林一巢九子同公共

母

父

廣雅父也

爸 廣雅玉篇爸父也

集韻爸部可切又必駕切吳人呼父也

按古讀

巴如逋卽父之重唇音遂作巴加父今俗呼父或巴巴或爲耙耙或爲八八並此字

陳補 真臘風土記呼主人爲巴駝主母爲米駝巴者父也米者母也

巴爸巴一字或加父字於上耳巴字重呼卽如爹字重呼後轉爲耙耙轉爲八八皆方音之異也因有訓父之爸遂製訓母之駝集韻類編收入非由唐時呼母爲八而造此字也駝蔣氏切與八音絕不相通

箸

廣雅玉篇箸父也 廣韻箸正奢切吳人呼父

按者古讀如主俗轉

父重讀因加父作箸今俗猶呼爲老箸作上聲

爹

南史梁始興王憺傳詔徵還朝人歌曰始興王人之爹赴人急如水火

何時復來哺乳我荆土方言謂父爲爹故云 韓退之祭女孥文阿爹

阿八 廣韻爹屠可切北方人呼父陟斜切羌人呼父也 按隋書回

紇傳以父爲多唐書回紇傳阿覈可汗呼其大相頡干迦斯曰兒愚幼
惟仰食於阿多知此聲由晉宋間夷語傳入中國本只作多後因加父
多古亦讀支所由轉爲今呼丁邪切也陟斜切似今呼

爺 古木蘭詩軍書十二卷卷卷有爺名 南史侯景曰前世吾不復記惟

阿爺名標 玉篇爺以遮切俗爲父爺字 按爺本止作邪宋書王或

傳子絢六歲讀論語郁郁乎文哉外祖何尙之戲曰可改邪邪乎文哉
以郁是其父嫌名也亦止作邪邪古讀與吳餘同父因轉爲邪邪字隸
作耶因加父作爺而以爺爲古文

尊老 南史何子平爲揚州從事月俸得白米輒易粟麥曰尊老在東不

辦得米何心獨享白粲

莫賀 宋書鮮卑吐谷渾傳遂立子視連爲世子委之事號曰莫賀郎莫

賀宋言父也

郎罷

顧况哀罔詩罔別郎罷郎罷別罔

黃魯直詩但使新年勝故年

卽如常在郎罷前

青箱雜記閩人謂父爲郎罷謂子爲崽

考

曲禮生曰父曰母曰妻死曰考曰妣曰嬪

爾雅父爲考母爲妣 顧

亭林曰古人曰父曰考一也易有子考无咎書若兄考大傷厥考心聰

聽祖考之彝訓履霜操考不明其心今聽讒言自曲禮定爲生曰父死

曰考則爲人子者當有所諱矣

按經傳絕無父母在而自稱之考妣

者顧氏所引易書皆非自謂其父故可通言履霜操亦出後人擬作其

說不足據

皇考

顯考

曲禮父曰皇考母曰皇妣

離騷朕皇考曰伯庸 按

古稱皇考皇妣皇祖考皇祖妣皇者大也止是祭時尊神取美大字樣

號之於皇君也之義絕不相涉後世避諱日繁無禮之詔紛紛多事葉

石林云漢^書宣帝父稱魏相以爲宜尊稱曰皇考自是皇考遂爲尊號之稱非後世所得通用其言臆擬實無所出然可見宋時已多避用皇字矣元潘文僖金石例載元遺山記韓魏公祭式云古人書曾祖皇祖皇考魏公易皇以顯字顯曾祖顯曾祖妣顯祖顯祖妣顯考顯妣妻先亡曰顯嬪妻祭夫曰顯辟穆甫兄弟曰顯穆甫而明邱文莊家禮儀節云家禮舊本於高曾祖考妣上俱加皇字今本改作故字似俗不若用顯字蓋皇與顯其義相符觀此知朱子蓋不以皇字爲嫌故其家禮一用古稱邱氏擬以顯易故字似未見魏公祭式也元典章大德四年江西省咨萍鄉縣侯震翁告朱惠孫墓庵內供伊母魂刊寫皇妣字樣儒學提舉司於禮記內披究得皇妣二字經典該載不曾奉到上司明文合與不合迴避咨請回示部議得省儒學考究雖出經典理宜迴避已進牌座當官燒毀令後徧行禁止可見以前稱皇與否民間亦各隨便

著令通禁自大德四年始矣以後通易何字無明文或卽用故字歟家禮舊本所由改也今世高曾祖俱仍加故字惟父母稱顯考顯妣似依邱說而讀禮通考云以顯考爲父始於有元之世時以皇字爲君上尊稱遂易爲顯考其言或他有所據然則今稱殆沿元之舊歟但顯考古爲高祖之稱祭法及檀弓注甚明魏公以顯易皇已不計所謂考妣爲高祖考妣今舉世通行更難執經典易之矣

先公

後漢書李燮傳姊文姬誠燮曰先公正宜爲漢忠臣

先君

孔叢子平原君問于高日子之先君南遊乎阿谷而交辭於澤女

信有之乎

先子

孟子曾西蹴然曰吾先子之所畏也按先君先子本諸侯大夫

之子孫臣下稱其君祖父小爾雅云請諸侯命曰未可以近先君請大夫命曰未可以從先子是也其見經典者如左傳言所以從先君於禰

廟禮記言昔我先君駒王孟子言魯先君滕先君楚語言二先子其皆
相子竝合小爾雅說其通爲上下恆稱當在其後至僞孔安國尙書序
云先君孔子更以稱十一世祖知漢以來且稱遠祖爲先君矣

亡考

蜀志蔣琬傳琬子斌答鍾會書曰亡考昔遭疾疢亡於涪縣卜云

其吉

先君子

檀弓子思曰吾先君子無所失道謂伯魚也

禰

左傳襄十三年楚共王曰從先君於禰廟杜注從先君代爲禰廟 公

羊傳生稱父死稱考入廟稱禰 按禰本親廟之稱亦卽以稱亡考凡

經典言祖禰者皆是禰者邇也近也視祖曾廟爲親近也書高宗彤日

典祀無豐于昵孔傳昵考也字別作昵昵亦近也

母曰媼曰媼曰媼

承旨切

曰姐曰妣曰社曰姬

衣遇切

曰嫗

卑吉切

曰

嫗

奴禮切

曰媽

莫補切

曰孃

女良切

曰嬖曰娵

彌計切

曰負曰家家曰駝八

曰尊上殁曰妣曰皇妣曰顯妣曰先妣

陳補

母下曰嫜曰嫜曰妣曰嬖迷曰米曰阿摩敦曰先親

嫜

集韻淮南呼母曰嫜

嫜

同姐羌人呼母曰嫜

妣

說文妣嫜也則妣亦母稱矣

嬖迷

集韻齊人呼母曰嬖迷

米

見前

阿摩敦

通鑑周人呼母曰阿摩敦

先親

歿曰先親陶淵明孟嘉傳淵明先親君之第四女也

媼

韓非子外儲說衛君之晉謂薄疑曰吾欲與子偕行薄疑曰請歸與媼

計之

廣雅媼母也

說文媼母老稱也

漢禮樂志后土富媼張宴

注媼老母稱也